



20. august 2021

UKA 2021/68

Inatsisartut ingerlatsinermut maleruagassaasa § 33 imm. 1 tunngavigalugu Naalakkersuisunut ukuningga apeqquteqaateqarpunga:

Inatsisartunut isummerfigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allanngortinneqarnissaanik, taamaasillutik tiinut akitsuut eqqartorneqartoq § 1, nr. 11 atorunnaarsillugu

(Inatsisartunut ilasortaq Jens-Frederik Nielsen, Demokraatit)

Tunngavilersuut

Demokraatit isumaqarput, maani nunami inuuniarneq akikinnerulertariaqartoq. Qulakkeertariaqarparput, kalaallit tamarmik annertunerusumik aningaasaateqarnissaat. Ilaatigut tamanna pisinnaavoq akitsuutinik appaanikkut. Una tiit akitsuutaannik atorunnaarsitsinissamik siunnersut taamaattumik isiginiarneqassaaq matumani katersuunnermi akitsuutinik appaanissamik siunnersuutitut ataqtigiissumik.

Tiinut eqquusuinermit akitsuutitut 2020-imi nunatta karsianut 100.000 koruunit ataatiilaannguarlugit isertinneqarput. Ima annikitsigaaq, nunatta karsiata maluginaviarnagu, akitsuut taanna peerneqarpat. Assersuutaalluarpoq akitsuummumut pisariaqanngitsumut, kalaaliulluni akisuninngortitsisoq. Akitsuut taanna peertigu, piaarnerpaamillu taamaaliorta.

Demokraatit aallaavittut isumaqarput, pingaartuusoq, siunnersuuteqartutut siunnersuutit aningaasalersorneqarnissaannik siunnersuuteqarnissaq. Erseqqissarneqassaarlu, taamatuttaq allatut aningaasalersornissaannut siunnersuutitut ammagatta. Siunnersuutit aningaasalersornissaanut siunneruutigaarput aningaasanut inatsimmi ingerlatsinermut- ilassutitullu tapiissutitut sipaarniarnikkut aningaasalersorneqassasoq. Taamaaliorneq ukiumut 56 millioner koruuninik aningaasartuutikinnerunermik kinguneqassaaq.¹ Siunnersuutit uuma aningaasalersornissaanut siunnersuut tamakkiisumik siunnersuutit ilaattut isigineqassaaq aammalu matumani katersuunnermi akileraarutitut- aamma akitsuutitut appaanissamik Demokraatit siunnersuutaasa ilaattut.

Demokraatit siunnersuummumut Naalakkersuisut maanilu Inatsisartuni partiit amerlanerussuteqartut tapersiinissaat neriutigaat.

Pisortanut aningaasatigut allaffissornikkullu kingunissai

Tiit eqquusomeqamerannit akitsuutit tamanniusut 2020-mi 94.768,89 kr.-nik isertitsissutaapput.

Pisortanut allaffissomikkut kinguneqassanngilaq.²

Namminersorlutik inuussutissarsiuteqartunut aningaasatigut allaffissornikkullu kingunissai

¹ https://ina.gl/documents/para3637/2021/svar/038_2021_skatter_afgifter_JFNI_akissut.pdf

² https://ina.gl/documents/para3637/2021/svar/038_2021_skatter_afgifter_JFNI_akissut.pdf



Suliffeqarfiit soorlu assersuutigalugu nerisassaarniat, tiimik nioqquteqartut akimik appaasinnaangussapput. Suliffeqarfiit, sulinerup nalaani sulisuminnut tiimik neqerooruteqartartut tiimik pisiniarnerminni sipaagaqartalissapput. Neriniartarfiit kaffisorniartarfiillu, tiimik sassaalliisartut tiisiniarnerminni sipaarsinnaalissapput.